



## “ЗУЛФИЯ” ХОНИМГА ЭҲТИРОМ.

**Салайдинова Зарнигор Норқобуловна**  
*Toшкент тиббиёт академияси талабаси*

Аёл борки олам мунаввар ёҳуд олам гўзаллиги Зулфияхонимда мужассам. Унинг ўрни беминнат, фаолияти ҳамма жойда улуғланади. Зулфияхоним том маънода маънавиятли, баркамол комил инсондир. Унинг оиласида фарзандларига сингдирган тарбиясида ибрат ва наъмунали мактаб мавжуд. Унда Ватанга, ота-онага содиклик, фидойилик, меҳр-муҳаббат, ўзаро ҳурмат, соғлом дунёқараш, хулқ-атвор, одоб-ахлоқ каби юксак инсоний фазилатлар мужассамланган. Шу жиҳатдан ҳам Зулфияхоним оиласида тарбиячи, мураббий аёл бўлган. Фарзандларига тўғри тарбия бериш, уларни она юртига, Ватанига фидойилик руҳида тарбиялашдек муҳим ишлар кўпроқ уларнинг зиммасида бўлиб, болаларини ёшлигиданоқ меҳнатсевар, илмга чанқоқ шахс сифатида тарбиялаганлар.

Бунда Зулфияхонимнинг ўзгача янгича фикрлаш, тафаккур қилишини жуда яхши ҳис этиш мумкин. Дарҳақиқат, келажакни ўйлаган, нурли истиқболни кўзлаган Зулфияхоним доимо эъзозда. Унинг жамолидан таралган нур, гўзаллик ҳамиша оламни мунаввар этган. Юртимиз равнақига сайқал берган. Бу дунёда Зулфияхонимдек аёлар, оналар борки, улар яхшилик, эзгулиқ, меҳроқибат, тирикликтининг устуни бўлаверадилар. Улар борки, хонадонимиз тинчосойишта, саранжом-саришта, юртимизда файзу-барака ҳукмрондир. Зулфияхонимнинг ҳурмати, қадру-қиммати осмон қадар кенг ва бепаёндир. Биз ёшларнинг баҳтимизни нақадар улуғ бўлиши аввало аёлларга боғлиқдир. Аёл доно бўлса оила тинч бўлади, оила тинч бўлса, жамиятимизда ҳам тинчлик, хамжиҳатлик, осойишталик ва барқарорлик ҳукм суради. Авлоди баркамол ўсган элнинг келажаги ёруғдир.

Зулфияхонимнинг энг яхши фазилатларидан бири унинг сабртоқатлилигидир. Шунинг учун ҳам уни гўзалик тимсоли дейиш ҳам мумкин. Зулфияхонимни эъзозлаш, унга юксак эҳтиромлар кўрсатиш ўзбек халқига хос хусусиятдир. Оқила ва гўзал Зулфияхоним ўзининг ғамхўрлиги, меҳрибонлиги, қалби дарёлиги билан оиласида ва бутун жамиятдаги мувозанатни, поклик, ҳалоллик, самимият ва адолат муҳитини сақлаганлар. Ҳақиқатан ҳам аёл оламни гўзал, меҳрли ва адолатли қилиш учун яратилган. Аёлнинг меҳр тўла кўзларига, зеҳн соганимизда мунис кўзларида илоҳий нурни илғаймиз. Ана ўша ёғду ҳаётни ғолиб ва мафтункор этгувчи қудратли гўзаликдир. Ана шу зиё фарзанд зуваласида жасорат, муҳаббат, она тупроққа садоқат, ҳалоллик, Ватан тақдирига масъуллик ҳисси бўлиб қарор топади.

Ана шу меҳр нурида Аёл ўз халқи, миллати умрини боқий этувчи даҳо фарзандларини камолга етказди. Илдизимизда қоядек бўлиб турган Аҳмад



Фарғоний, Имом Бухорий, Амир Темур, Алишер Навоий, Мирзо Улуғбек, Жалолиддин Мангубердилар зуваласида ўша нур бор. Довюрак Алпомиш, Гўрўғли, Кунтуғмишлар ҳам Аёлнинг орзу-тилакларининг ўлмас рўёбидир. Дунёни лол қолдирган аждодлар шуъласи ҳамон йўлимизни ёритар экан, истиқболнинг янги асрнинг буюкларини ҳам аёл камолга етказади.

Ибн Сино, Мирзо Улуғбек, Жомий ва Саъдийни, Навоий ва Фирдавсийни, Бедил ва Умар Ҳайёмни, Нодира ва Увайсийни дунёга келтирган аёл она бу муқаддас бир зотки, унинг билан олам мунаввар, унинг билан оила, ватан, хонадон ободдир. Аёл ўз дилбандига гўзал қўшиқлар, тоза хаёллар, ёрқин орзулар, келажак умидлари орқали ноёб фазилатларни сингдиради. Оилани оила қиласидиган зот бу Аёлдир. Оқила, гўзал аёллар ўзларининг ғамхўрлиги, меҳрибонлиги қалби дарёлиги билан оиласидаги, қолаверса, бутун жамиятдаги мувозанатни, поклик, ҳалоллик, самимият ва адолат муҳитини сақлаб турадилар. Барчамиз учун азиз мўътабар бўлган аёл зоти ҳақида сўз юритар эканмиз, бизни дунёга келтирган ва оқ сут бериб вояга етказган аёл-она сиймосини доимо улуғлаб, ардоқлаб яшаймиз. Аёлни эъзозлаш, аёлга эҳтиром кўрсатиш ҳалқимизга хос олийжаноб қадрият ҳисобланади. Шу жиҳатдан қалбимиз, юрагимиздаги жамики эзгу фазилатлар учун азиз ва меҳрибон аёлларнинг хизматларини ҳеч нарса билан қиёслаб, баҳолаб бўлмайди. Аёлларнинг меҳр-муҳаббат, вафо ва садоқати, фидойилиги сабабли ҳаётимиз чарофон, ҳамиша яхшилик ва эзгуликка интилган ўзбек аёли гўзаллик тимсолидир. Ўзбек аёлининг шаклу шамойили сийрати, маънавият оламида ибо-ҳаё, андиша, сабр ва маътонат сифатида намоён бўлади. Бўндай аёларнинг фарзандлари, доно, ақилли бўлиб вояга етадилар. Биз жаҳон тарихида ўз номи, ўрни билан машҳур бўлган жуда кўп аёллар; Тўмарис, Сарой Мулкхоним, Нодирабегим, Гулбаданбеким, Зебунисобегим, Жаҳон отин Увайсий, Анбар отин, Зулфия, Саида каби шоира-ю фозилаларимиздан фахрланамиз. Зулфияхонимнинг мазмунли ҳаёти ва ижодидан баҳраманд бўлиб, яратиш ва бунёдкорлик ишлари билан шуғулланиш барча ёшларнинг муқаддас бурчидир. Бу борада жуда катта, улкан ва фойдали ишларни режалаштириш ва уларни муваффақиятли амалга ошириш борасида тинимсиз меҳнат қилиш, ўқиш талаб этиладики, натижада Зулфияхонимнинг миллий меросига нисбатан ихлосимиз ошаверади.